



Bersama **FIRKHAN**
sembangict@yahoo.com

Simpan data android

BAGAIMANA untuk membuat back up data yang disimpan dalam telefon pintar berasaskan sistem Android?

- SITI, KUALA PERLIS.

Pada masa kini, terdapat banyak data penting yang pelbagai jenis seperti gambar, video, fail dan sebagainya disimpan dalam sesebuah telefon pintar. Risikonya adalah sifat telefon pintar yang mudah alih mendedahkannya kepada kecurian atau kehilangan. Jadi, amat penting data yang terdapat di dalamnya dibuat salinan pendua atau *back up*.

Seterusnya dibincangkan langkah-langkah untuk membuat salinan pendua kepada data penting yang disimpan dalam mana-mana peralatan komputer yang berasaskan sistem android.

1 Aktifkan fungsi salinan pendua dalam sistem Android dengan pergi ke *Setting > Back & Reset* dan pilih butang *Enable* pada pilihan, *Back up my data*. Ia penting untuk mengembalikan semula tetapan dan data secara automatik daripada salinan pendua kepada aplikasi yang dipasang semula.

2 Penyeragaman data yang dikemas kini di sistem android dengan akaun Google di Internet. Ini boleh dilakukan dengan pergi ke *Settings > Account & Sync* dan klik *Google > Gmail account*. Seterusnya disenaraikan dan boleh dibuat tambahan mana-mana aplikasi yang diperlukan untuk dibuat penyeragaman dan kemas kini data menerusi akaun Google. Data ini boleh dicapai dengan mana-mana peralatan menerusi akaun Google pada bila-bila masa.

3 Salinan pendua bagi data berjenis gambar dan video sesuai dibuat pada *Google Photos*. Ini boleh dibuat dengan pergi ke *Google Photos*, tap tiga bintik di hujung atas kanan dan pilih menu *Auto-Backup > toggle on*.

4 Salinan pendua bagi data berjenis gambar, video dan *screenshot* yang dimuat turun menerusi web, Bluetooth atau aplikasi juga boleh dibuat pada *Google Photos* dengan pergi ke *Google Photos > tap ikon bergaris tiga > On Device*. Seterusnya klik ikon *cloud icon* bagi setiap kategori data yang hendak dibuat salinan pendua.

5 Salinan pendua bagi mesej teks dalam sistem android boleh dibuat dengan pergi ke *Messaging app > option > Backup / Restore*. Sekiranya tiada fungsi ini, boleh gunakan mana-mana aplikasi pihak ketiga.

Dengan mengikuti panduan ini, anda boleh dengan mudah membuat salinan pendua data penting pada sistem android. Di samping itu, jika anda menghadapi sebarang kesulitan yang berkaitan dengan sistem android, boleh hubungi pasukan sokongan sistem operasi tersebut.